

蠻

司

合

誌

西河合集

蕭山毛奇齡

一名生
字齊于稿

川得名綱鼎校
陸澐文端

蠻司合誌

雲南

三

沅江那中洪武初歸命授世襲土知府嘉靖三十年
那鑑以爭襲殺土知府奪其印噓聚數千人流劫郡
縣巡撫石簡督兵進討鑑詐降請赴軍門而親帥勁
賊與左布政使徐樾抗戰樾至沅江鑑毒江上流人
馬飲之輒死師少却鑑乃縱象騎直趨樾軍殺樾巡

按趙炳然以狀聞詔奪簡官而責黔國公沐朝弼令戴罪殺賊朝弼調土兵大勦鑑敗自殺遂革土官收印令臨安衛指揮一人往署之然其印猶藏那氏每文移指揮取印必以夷兵蜂擁送印至環伺之署訖復擁去萬歷中土舍那天福篡兄自立卽鑑孫也老搨近安南成化十六年安南王瀨以兵攻老搨連破二十餘寨殺二萬餘人遂宣慰使諸蠻震動先是太監錢能貪贖密以文幣良馬易瀨珍寶因與瀨往來互市瀨嘗遣使入臨安大理假爲商買賣其地至是蹂躪近邊間有窺內之意朝廷飭將吏隄防而

論灝還國灝聽命去既而灝復以兵六萬再攻老撾
值老撾有備敗歸死者二萬餘灝大憤自將兵九萬
繼之復爲滿刺伽所躡覆其軍死者三萬灝憤且慙
得疾去十八年車里宜慰報陵兵數萬駐老撾界上
八百所報亦如之未幾又去嘉靖中老撾宣慰刁攬
章入告言安南應襲長子光緒爲叔父所逐出亡老
撾欲調象馬送還其鄉而廷臣恐啟邊釁謂邊臣義
無私交倘構隙有形其患叵測當勅責攬章以私納
之罪而遣光緒歸國詔從之

嘉靖十四年安南叛人武嚴威武子陵等亡命居雲

南邊界木尼州與八寨長官司副長官瓏徹教化三
部長官司土舍張澤交通已而安南國人捕二武急
移文八寨二武疑瓏徹貳已誘執之黔國公沐紹助
及撫按官奏請敕府縣衛所所在防守遏其豕突而
遣使布朝廷威德以取回瓏徹并寬張澤等以私通
之罪上是其言後瓏徹還而武嚴威等亦遁去餘竟
勿問

猛密產寶石武宗朝錢能出鎮每歲採辦至嘉靖初
猶然巡按劉泉疏止之不聽時猛密酋思真猶在也
年一百歲凡採辦例必先應官府然後與商買賣易

每一往五六百人其屬有地羊寨在猛密東往來取
道所必經者寨中男婦皆黃睛鰲而類鬼剪舊銅器
聯袂之纏兩足間以爲飾然工幻術能易人心腎手
足致死卽馬牛亦然時以採辦者多人有強索其食
者旣去腹痛死已而所乘馬亦死剖之則馬腹皆土
石也思真嘗勦之凡殺數千人不得絕至是復議勦
以兵少中止思真一百十歲死

麗江土官木得在元爲宣撫副使洪武初入貢尋以
功授世土知府凡徵調征討皆在行間得死子初襲
從征思任亂有功後以居西陲能捍吐蕃每有徵調

但輸軍餼免其兵。洪八世至本。增值北勝。搆亂以兵。擒首逆。進秩已九。邊軍興。助金二萬已。又以殿工助。一萬。褒之。乃復條陳十事。下部議。可進三品秩。尋請。老子。懿。萬。歷。中。有。兄弟。三人。長。名。木。公。次。名。木。么。三名。木。么。長。即。土。知。府。也。三人。皆。好。禮。有。名。顧。善。取。金。其。法。每。雨。過。輒。令。所。在。犁。其。地。何。之。及。又。雨。霽。而。裸。拾。皆。金。矣。特。拾。金。皆。輸。之。官。民間。匿。銖。兩。皆。死。嘗。貯。金。數十。庫。僦。人。每。僦。以。千。計。人。謂。之。木。公。金。云。其。地。近。西。名。狗。西。番。

姚安。鐵。鑄。簿。本。蔡。種。前。代。無。內。附。者。弘。治。中。稍。稍。歸。

命問隸之姚安姚川諸土同知所顧無專屬至嘉靖
中始專屬姚安高氏遂稱姚安鐵鎖箐會逆曾鳳繼
祖及姚安有釣黨祖者統箐賊出犯蒙化爲繼祖應
及繼祖敗後他一切勿治箐以漏網及踊躍思爲亂
是時賓川大姚各寨環箐錯列有所謂赤石崖螳螂
古底烏籠壩大波那你何楚賜各左木茶刺羌浪金
旦俄打喇小茶喇喇摩歪寧苴只瓢苴諸酋率引箐
賊爲鄉導其地有所謂薄刀蠻鶯過愁者皆懸巖大
箐天險可恃以故標桀無顧忌有火頭羅思者與百
夫長羅勤快善火頭漢言渠魁也勤快著異志而畏

羅思等不發會巫人李仙子挾幻術至箐謂思曰箐
中饒王者氣當今有赤手搏漢大制南仲者豈君乎
思應聲曰吾而不王誰當王者矣時勤快方治毒弩
藥矢聞思言亟貽思與謀思乃與勤快羅華等十人
自稱孟獲二十世後當世有南仲立爲冲天鐵面十
大王拜楊柱三爲相子撒爲將軍造符鑄印遂起兵
隆慶六年瀾滄兵備周汝德徵兵討之無功都御史
鄒應龍遣將楊州鶴潛至三巍偵諸羅狀三姚爭徒
跣訴諸羅不道州鶴返命會臨江特獲攻激江城殺
府吏奪印諸部洶洶都御史乃夾策進勦陽名所司

令勿擅興師。師興，師當先。得獲且必俟冬春瘴消而後請期。當是時，姚安知府楊汝允以試事至，謁都御史。都御史問勦賊事，汝允曰：「羅曾已誨罪，宜罷兵。都御史急應曰：「諾。」既而語裨將胡瀚曰：「太守豈以賊爲真可撫耶？」太守掾史與賊故等，夷嘗遣人邀賊黨來謁，謂爲聽撫，索賞去。一旦上官移檄，令持斧逐捕，輒先告賊，賊遁逃。夷官借捕亡命報仇，指示仇常劫人，有姦賊，賊出夷官手，但借證實仇者罪。夷官與賊分姦，滅去凡所請，皆詐。吾欲使瀚爲謀者，往慮無因，乃令繪二圖分勸善戒惡狀，令瀚持往，盡得其虛實，卽

令前軍軍安寧。駕言使未昌而密遣人以羽檄徵武定。直却兵由紅古底喇。以箐入攻鐵鑲頂。以器械盛。秦中陽爲估商。既已十道出。然後下令行昆陽晉寧。安寧諸郡以觀水利。郡中尚鼓吹。開闢如故而都御。史已徵服。至河海驟臨赤石崖。由俄打喇經母喜。虜賣諸寨。自將中軍。而以副使湯仰軍。大姚僉事田汝弼軍。賓川征南將軍沐昌祥軍。威楚各與直却武定兵應。乃名匠建坊山間。手書之曰平賊嶺。遂督瀚等攻阿寧喇喇。餘摩烏只直。燕朶喇。厥姑寨。次甸頭。鑿戰直破鐵鎖諸道。兵皆集爭先。陷陣斬首五百級。捕

獲生口七百餘人。羅思羅華走山洞死。餘賊保雞足山。鸚鵡郎官軍又破之。生擒李仙子、王勤快等大搜諸箐。下土官庄。庄人縛僞相楊桂三將軍子撒來獻。乃破螳螂古底江郎小插郎。曾諸箐盡。平事聞。賞賚有差。先是箐中多幻術。能令人入箐。逃或且技巧。男婦舞雙刀。上下山如蜚。及執李仙子試之。果能役。巫鬼預言吉凶。常夜易軍中櫟卒以亂刀斗。勤快亦能令屋瓦作滾石聲。驚人當其破鐵鎖時。裨將盧雲入箐中。見一白衣人持弩立巖上。雲追之。忽上樹不見。軍中望之者。以爲猿。云時赤石崖增設判官一人專

以遂捕爲事而分鐵鑲箭外甸羅奈朶喇只苴蕪只
摩鳳姑他俾坡章谷排紅古直黑雞直的務喇叭俄
打喇各左屬雲南赤石巖螳螂古底龜山屬北勝餘
部署如初

納樓普沙曾從高皇帝征伐積勞賜沙爵副長官使
食邑千納樓茶甸遂爲納樓茶甸副長官司四傳至
普星以叔父普顯食三山北寨使備陵南紅衣黑脚
諸關星死子安在程祿顯乃南安欲害之朝廷論顯
罪當死會赦免死旌復逃歸奪瓦喇孔及五畝水
塘二寨寨靖安卒子銓嗣顯復殺銓奪印而去銓

子崇正幼與其母訟諸朝顯與子普宗又坐法徙騰
而宗妻遺腹生阿乃請得食乃奄寨及崇正長襲官
阿乃亦長據乃奄倚紅衣黑脚諸險慨然曰瓦喇孔
五畝水塘吾大父食邑也不與崇正崇正訟之竟不
與于是相仇殺會饑人記來阿炯矣隊三百人藏匿
祿谷崇正密名至主魯寨而以酋長易兔掌之阿乃
亦名黑脚陵南諸蠻兵竝爲亂當是時曲在阿乃未
幾阿乃死可罷兵崇正欲盡并從弟崇新崇順寨令
車昂李朝鳴引記來等擊新等思奪其地不克值磚
安衛經歷鄧鑑僕李英亡命納樓崇正名與議陰貽

千金一聽英所爲英復引儂人阿桃阿葵七百人擊破芭蕉嶺非官寨殺阿賣等崇新亦帥酋長別者電王廷相阿寫等引校兵五百人擊破羅白俄賈法克諸寨殺略刁撐俺他等崇正憤甚復引儂兵擊破打娘多寨殺落書等會萬歷改元下令逮捕諸亂者先遣材官騎士驅校兵出境乃襲捕崇新崇順白亨白鮮王廷相阿籠等十餘人而臨安亦捕獲車昂李忠等竝繫之獄已復逮崇正不至御史按之急始就吏竟坐法免于供襲而吏議以崇順不與亂謀乃出順令其子五官保竝食別者電寨餘夷死獄中李英聞

順出怒復引儂兵擊破別者電殺刀博等明年銓復
令李英趙春擊破別者電殺崇順其妻楊氏及五官
保道芭蕉嶺英乃據宗恰孟弄以爲險守將楊州鶴
出戰不利別將楊守廉復調蔣甸兵轉戰復不利都
御史鄒應龍會征南將軍沐昌祚統武定新化兵四
而攻擊大敗之生擒李英阿桃阿葵習翰閉掌等會
僎死英等亦死應龍予告去儂人阿六矣登乘間出
殺略御史郭廷梧等議以儂攻儂立調廣南土舍儂
文舉往捕果生得記來阿烟矣兌阿六矣登及朗阿
郎榜等而餘黨悉平其後紀平儂功謂應龍撫御失

宜免應龍其他邊將楊守廉等皆以要功啟舞坐市
死聞者寃之

緬甸古朱波地漢通西南夷謂之揮唐謂之驃宋元
至明則謂之緬以其道里之緬邈也其族不一種呼
十緬有所謂得楞子阿瓦如猛別雍會普潞洞吾擺
古者而築江頭太公馬來安正國蒲甘緬王五城元
至元間遣將軍兀良吉解擊破之建邦牙軍至高皇
帝二十六年緬王南速來朝明年置宣慰司以其長
卜刺浪爲宣慰使卜刺浪緬王稱也緬人呼王爲卜
刺浪王之妻爲未潑刺其地東至八百南至海西至

孟養北至猛密去黔南二千二百八十里山金齒滿
漂過怒江踰高良弓山取道麓川經蠻牛莽港蒙叟
汎金沙江至緬境有城郭廬舍金銀寶玉且饒鹽利
王出入乘象馬有文書其行軍者名錫刺善火器置
鳥鎗獸弩錫刺每持兵在前則衆荷供具隨之故軍
行五六萬戰者不滿二萬永樂三年緬酋那羅塔來
朝那羅塔者卜刺浪長子也詔使襲宣慰而更定平
緬木邦孟養緬甸八百車里老撾大古刺底馬撒靖
定爲十宣慰司至五年緬酋馬者速復來朝馬者速
者卜刺浪次子也初卜刺浪分緬地使那羅塔管大

甸次子管小甸暨卜刺浪死那羅塔盡收其土地人
民有之而逐馬者速馬者速往依速睹嵩土官板洋
爲贅婿至是來朝訴其情而請復小甸以從父命詔
諭那羅塔使悉還土地資產既而緬人與孟養刁木
旦仇殺救行人張洪持節往正其罪那羅塔遣使乞
宥許之十五年建緬甸館于京師宣德二年宣慰新
加斯與木那仇殺而死子弟皆潰散緬耆父老共推
大頭目莽得喇權理其地而緬人便之遂請莽得喇
襲宣慰使五年麓川思任及緬甸莽得喇各遣使上
言木那罕門占據其地請公沐晟諭還之至正統中

麓川思任遁緬尚書王驥定西伯蔣貴索思任子緬而許以地緬乃獻思任并其妻子敗徒板塞等語詳麓川誌中弘治元年緬甸來貢且言安南侵其地二年遣編修劉箴諭安南罷兵而其後有莽紀歲者爲木邦罕烈孟養思倫所殺

常思倫罕烈之擊緬也既殺莽紀歲而瓜分其國緬人赴闕訴不報嘉靖六年始命永昌知府嚴時泰往勘時孟養尚強思倫夜縱兵鼓譟焚驛舍時泰等僅以身免乃別立土舍莽卜信守之而去時有齎金牌于戶曹義併爲所殺值安鳳之亂不遑問其事也莽

紀歲有子生于雪中其體有光滿室因名瑞體少奔
匪洞吾母家制吾曾養爲已子既長與養母通洞吾
曾死瑞體妻養母而有其地洞吾之南有古喇一名
擺古濱海與佛郎機隣古喇曾兄弟爭立瑞體和解
之古喇德瑞體爭割馬草地爲獻受其約束號瑞體
唵喇唵喇華言公道主人也瑞體乃舉衆絕古喇糧
道殺其兄弟而併有其地會緬僧有妖術者歸之樹
海崗七十白衛諸蠻畏之尊爲金縷白象王常是時
滅緬者木邦孟養而與緬相抗者猛密也猛密思烈
子思奔思糯相爭奔訴于瑞體瑞體殺奔僞立思烈

次子思混改名思忠而假途于混以掠孟養卽留土
目卓吉據其地旣而卓吉爲奔塔猛乃魯別混所殺
瑞體破猛乃執別混卽欲入寇內地時朝議用總兵
官沐朝弼請已于蠻哈設兵防緬瑞體覘有兵遁去
故事土司襲替皆勘實請命于朝隆慶二年木邦土
舍罕拔遣使告襲官吏有索賂者拔怒與弟罕章集
兵截旅途使漢人不得通會乏鹽乞于瑞體瑞體餽
之五千簪拔感緬而志中國遂攜金寶象馬詣瑞體
致謝瑞體見拔歡甚贈以寶帶緬鐸白象罽錦珍貝
香藥甚夥遂約爲父子時有官府只愛一張紙打失

地方二千里之譜。而于是向之爲緬。雖者。今且臣緬矣。潞江安撫線貴聞之。亦投瑞體。曰謀聚內侵。且遣使召隴川多士寧。士寧不從。旣而士寧爲岳鳳所殺。鳳隴川稱弄也。會于崖。宜撫刀怕舉死。罕拔請瑞體。襲于崖。于崖下則隴川多忠幼。而新立可乘。勢取之。瑞體卜于緬僧吉。其子莽應裏骨而殺。謂瑞體曰。隴川于崖。雖無主路。遠難取。迤西思箇地。廣兵強。世雖殺倘我。遠事川崖。而乘虛襲我。此敗道也。莫如稍助拔兵。聽其自取。夫迤西木邦在我肘腋。若迤西不爲我有。尚望能出三宣。侵未騰乎瑞體。然之借拔兵。

萬令自取于隴而已。幸兵侵迤西迤西思簡出應敏
相持不決而隴川岳鳳見其主幼陰欲據其地亦資
重賂投緬拜爲父蠻莫土目思哲亦迎降緬緬納爲
義子乃調緬兵萬餘爲疑兵出入于緬甸迤西界上
牽制思簡復檄罕拔兵會岳鳳隴川襲多忠萬歷元
年緬兵至隴川多士寧妻罕氏木那女也力不能支
懷印信攜二子多忠多孝并二女及姪罕朝光潛奔
永昌當事不能救仍遣罕氏還隴川罕拔素疑朝光
欲爭襲木那宜慰惡之至是鳳見罕氏同朝光還遂
貽書拔請爲拔除朝光并戮罕氏拔喜令罕章罕難

等助之夜襲罕氏罕氏攜二女走于野。屬執之斷其右臂奪其印并擒殺朝光而生送二女于緬。多氏族屬殘殺殆盡。屬遂受緬鐸據隴川乃與罕拔思哲定盟必執思混下猛密奉瑞體以拒中國時僞爲錦囊象函貝葉緬文稱西南舍樓白象主莽噠喇弄王書報天皇帝中多誇謾之詞皆屬所爲也。而罕拔則恃緬勢台于崖乃怕舉弟怕文曰汝嫂我妹也吾欲妻汝并汝兄宣撫皆爲汝襲可據于崖以臣緬怕文挾二子奔詣同知薛術守備李騰霄愬言拔欲怕文背漢事緬妻嫂滅姪無天理怕文世受國恩願與戰次

口方戰適瑞體遣子應裏喇爾率衆二十萬分戍隴
于間拔以其兵驟臨之怕文潰奔未昌而衛與騰霄
俱退去拔遂取干崖印令罕氏收掌罕氏卽拔妹也
且與緬鐸令罕氏以女土官臣緬而召蓋達副使刁
思管雷弄經歷廖元相佐之給貝葉符令同守干崖
以防中國當是時木邦蠻莫隴川干崖諸夷俱已附
緬而迤西猶未決也金騰副使許天琦遣指揮侯度
持檄招諭迤西思箇乃刻木二一書天皇帝號一書
莽噠喇率衆拜之以卜向背而莽噠喇木墜地思箇
乃受諭與瑞體抗時瑞體大發兵攻迤西思箇告急

會天琦已卒署事副使羅汝芳知其事竊思簡使者
給空劄許以世襲令先回待援而募商人饋入緬者
子金給令往密伺其虛實來報于是檄近緬諸夷說
以內向依期援進西遂調漢土兵馬躡至騰越思簡
聞援至喜甚立令土目烏祿刺送領兵萬餘絕緬糧
道于阿瓦寨且督大兵伏戛撒誘緬兵入截其歸路
然後自衝其前而請援兵自隴川尾擊之緬大敗會
緬絕糧余易合米屑象馬屑木剉草以爲食疫癘大
作死者如丘山瑞體請和不許時水兵開江中石關
衝潰緬舟而近緬諸夷如景邁猛華密受汝芳檄者

各調勁卒聽指使值大計諸道入覲者恐軍興阻行
移書諸同事令文止援因汝芳不聽遽揭巡撫謂兵
連禍結失馭夷之道不便撫臣王凝馳檄止汝芳汝
芳接檄投地大罵然已無可如何思簡力旣疲援不
得發岳鳳偵知之暗集隴川兵二千兼程援緬導瑞
體由間道遁去思簡力追之且追且殺緬兵生還者
十不一二然而已失機事矣五年巡按陳文燧上請
經理然與時宰相抵牾事亦寢六年廷議遣使將迤
西所俘瑞體兵象侑以金幣諸物送還瑞體瑞體不
謝七年末昌千戶辛鳳奉使買象于猛密猛密酋思

混卽向瑞體所立改名爲思忠者也時亦臣緬執辛
鳳并軍伴送瑞體會瑞體修佛事遣使持檄椰葉緬
文送鳳回是年瑞體復率兵象侵迤西報曼撒之怨
思簡以無援敗奔將之騰越中途爲奴郎都等執送
瑞體瑞體殺之盡據迤西地八年巡撫饒仁侃遣舌
人李阿烏諭緬阿烏至擺古見瑞體道皇帝威德引
先年蔣貴王驥征麓川事瑞體不語及言罕拔岳鳳
不法假緬力擾漢地瑞體陽應曰吾不知也居旬日
趣阿烏還十年岳鳳領緬兵襲破于崖土婦罕氏久
臣緬今復奪其印俘之無何莽瑞體死子應裏嗣

當岳鳳罕拔之臣。新也。爲瑞體招附。諸夷拒中國。凌
已成勢。顧鳳心忌拔。常諍拔于瑞體。不應。至是。嗾應
裏殺拔。併木那地。時拔子進忠守木那。應裏遣弟應
龍代之。拔孽子罕鳳與耿馬舍人罕皮謀共擒進忠。
獻應龍。乃以灣甸州景宗真爲鄉導。追進忠于喳哩。
江進忠挈妻子內奔。兵象從者不十一餘。悉俘于緬。
緬兵入姚關。十一年正月朔。焚掠施甸。剖孕婦以上。
男寇末昌女寇順寧腹破。得女。攻順寧。破猛淋寨。指
揮吳繼勛千戶祁維垣死之。是年冬。又攻盡達。副使
刁思定求救不應。糧盡。城破。妻子族屬盡爲所擄。當

是時于崖刁怕庚雷弄廖元伯遮放刁落恩南甸刁
落憲蓋遠刁思定皆陷于緬給事楊文舉先爲保山
令稔知緬事上便宜七事詔下兵部議巡撫劉世曾
巡按董裕請以南京坐營中軍劉綎爲騰越游擊移
武靖叅將鄧子龍爲永昌叅將各提兵五千赴援副
以上兵應襄亦西會孟養猛密蠻莫隴川兵于猛卯
東會車里八百孟艮木邦兵于猛炎大併聚入犯姚
關綎與子龍大破緬兵于攀枝花地斬宗真罕皮首
乘勝追招罕招色所向無敵其捷奏有名地者曰蓋
達曰隴川曰哨略曰魚刀山曰朋麻曰猛林曰南甸

曰黑猛弄曰大窩蒲曰章拜菁曰蘆子山曰猛淋峽
曰黃蓮關曰夾象石曰小隴川曰西山曰六庫阿曰
憂陽曰遮放其捕獲土目有所謂賴真線乖從拍講
線唵喇啐喇亥喇斷波唵波猛喇喃捧貴欠院怕瑞
喇怕喇衣老戊喇喇喇立喇莫喇應吉項乍者而行
問紀功有名則土同知高承祖土縣丞楊如檳土舍
者繼榮土勇小羅姐李八姐土婦安素儀等自十年
十月至十一年四月斬首萬餘恢復蠻地三千里乃
復用蒲人爲偵探以計擒招罕招色子三尖山獲罕
虔妻朽妾博招罕妻羅送獄于是經子龍率兵出隴

川猛密直抵阿瓦阿瓦會莽灼瑞體弟也聞官兵至
大懼糾猛密思忠蠻莫思順詣縋請降既而灼行至
曩朴病死先是灼有白象一能決勝敗不爽每出兵
問之瑞體嘗借以自隨至是問不應應裏乃以灼子
乃篤改名思斗莽州者守阿瓦而岳鳳瞻顧行間深
悔緬不足恃乃遣姪岳亨妻刁幼子喃歇先請降縋
詰以五事皆如約而後許之一斬陪臣首二追竿氏
于崖印三獻爲羅羅遺彼擄男婦五拾徠進西鳳初
出緬所爲羅羅羅羅羅羅羅羅羅羅羅羅羅羅羅羅
氏金羅羅羅羅羅羅羅羅羅羅羅羅羅羅羅羅羅羅

會等謂鳳有心計欲借之以招諸夷議處之金少上
游濟不死故當時猛吟思化逸西思威木邦罕鳳皆
殺緬使詣緹降進忠亦集其餘衆來奔會六月始毒
緬謂官軍必不前緹乃率緹甸土舍莽末順蠻莫蠻
酒阿線養凱挨旦猛莫遮思啣得猛密所部五章蠻
弄允莫八外猛搔光腦遮做錫跛猛廣猛炎東蚌小
猛養嚙諸夷兵不避瘴暑先登斬首捕獲無算奏捷
陞賞時諸夷向背多視岳鳳爲去留故緹欲暫假責
效俟事平正法而當事日索獻俘而不之察也十二
年冬征南將軍沐昌祚等檻車傳岳鳳父子五人及

莽糜亞晏得皮一人致京師上御皇極門受之祭告
如例于是諸夷解散蠻莫思順阿瓦莽未順猛密思
忠錫跋思奇迤西思威俱先後遁去仍投應裏詔讓
延等調劉天休爲將軍而應裏得意令酋長喇緬臘
塔答等帥阿瓦遮浪兵分屯遮魯噠喇麻哈曼廩補
魯煞勤紀哈猿喇爽博薛等城而自以精兵留密堵
且札阿瓦江以爲險天俸帥指揮楊棟等擊破遮魯
噠喇諸城直逼阿瓦江緬見漢兵至驚潰乘勝斬殺
生擒緬目多婁長等拓地二千里金騰兵備李材上
其事於在事多士兵不知以級旣而復往腐濫且報

數多參錯御史蘇勣劾李材曰功俄蠻商首當緬兵
裸以我兵瘴毒死者幾眾其數仍不合軍書多欺罔
上怒逮材天俸俱下獄法司屢上狀原罪不報時材
與天俸前後上書大抵謂執緬酋大閉長散奪者臣
也從遊西戶八章罕曩頂之請遣杜忒破遮浪者臣
也而謂伏毫無所捕則當時孟乃猛輩猛養憂散是
誰捕獲遮些猛憂黑安都六是誰安插夫金沙江去
五章貫屯七八百里而遙又瘴毒居恒尚不能往來
豈有兵爭之日諸商得洋洋鼓棹而行使臣冒殺如
臺臣所言者如以爲割屍抵級則士卒當暑以疫癘

死者約五百人。卽五百人。未必一時死。隨死亦隨瘞。道左何至數月後猶聚屍一方。尚無腐朽。以待臣割剝乎。且夷賊自報在密堵城殺呀泄泄。別在遮補城殺喃者。別者在大別養寨殺喇瓦。在憂廩補魯煞城殺喇過。在麻哈城殺喇別散。未聞夷商有名氏者。上終不省論棄市。其後以他事出獄。先是思忠等歸命時。朝命嘉其義。以思忠爲猛密宣撫。思化猛哈同知。思順蠻莫安撫。比信符至。而思忠等已復投緇。乃以忠母孀。煇孀。孀孀。各代子領該司印。至是應裏攻猛密。孀孀不能拒。至其孀。思忠從子思仁奔猛廣而

猛密失。猛哈思化復進。奔蠻莫據之罕送。其子思
華奔騰。越時有罰罪。思化之議巡撫蕭彥密令撫夷
同知漆文昌撫化文。百單騎入化壘。化稽顙聽命。曰
云。奴有助。迤西殺緬。取功。今無所歸。願寄食蠻莫。從
之。十七年。孟養僭思真爲緬所擄。其科弄思遠奉思
真妻來歸。給以冠帶。令思遠佐思真妻守孟養。而思
遠乘亂自立。爲宣慰。肅諸部夷。諸部夷引緬兵至聲
言。還思真殺思遠妻。妾同知漆文昌率思遠思昏寄
蓋西緬。遂破孟拱。僞罽堵罕于孟養。魏罕于孟拱。而
去。而攻孟廣罕。拱思禮奔隴川。思仁奔雅益。而猛廣

亦失。十九年應裏欲乘勝至騰末祭告墳墓。率猛別
阿瓦糾堵罕。應罕兵象圍蠻莫思化告急。特思個據
迤西。使猛雷以雍會爲部落。依壘弄洞。吾聲援而緬
復助之。征南將軍徵諸夷兵趨蠻莫。多俘獲。至那莫
江接戰。會天炎。官軍行不前。裨將萬國春選毅騎二
百伏等練。上下令夜舉火。縛諸炬于樹。人執三炬。植
二炬地下。高崗鳴金鼓。喊呼震天。緬望見火光如僭
卒至。類十餘萬衆。及踵遁。而我兵追之。俘斬無算。時
給事張應登上書條緬事。謂騰末去京師三千里。而
迤一應上。司請襲者。縣道不與助給。但經駁覆動。

三十載乃令土舍管事強凌衆暴欲其部不亂難矣夫諸部分布原聽調度今策緬事者尚言暹羅國在緬後牛噠喇在緬旁當約令擾之而我得中邀鷓蚌之勝况姚安鶴慶景東北勝蒙化羅次之屬皆近部也夫得楞素有積忿阿瓦久懷不利加以木邦猛廣猛羅蠻莫猛拱孟養迤西新被讎殺而不因之以檄結諸夷令自相攻擊此爲失策至若各省直有正副總戎兩人而滇南獨以一總戎居其省合宜改騰末叅將爲副總戎其撫夷同知不宜拘九年遷轉之例當隆其體統以運同官行同知事鄧子龍往謂猛

邦可屯令蘿荷絲庄在三宣鼎足之中度道望北去騰衝南甸南去隴川蠻莫西去干崖蓋達東去小隴川輕騎俱可一日至獨去芒市二日耳誠付子龍以屯而招遠人以聖曰編爲令甲願占籍者聽其自便復倣王驥故事凡武職有納粟百石者許陞級千磨以爲屯費乃救軍中善造火器者爲一營歲時監造土司喧寨不得以金銀什物爲常例錢者爲令則緬事可效不用是年應裏遣使等毋海弄查賫貝葉緬文求通而思仁復叛投緬先是思仁隨罕烘奔猛戍時有井線姑者思忘妻也思仁乘思忠投緬于奔行

時悉嫂線姑卽欲得之以爲妻而罕熤不許至是罕
拱與線姑及線姑子思禮皆奔隴川而思仁奔雅益
率兵象犯隴川欲擄線姑去會隴川宣撫多思順有
備弗克逞懼中國問罪乃同丙泐歸應裏應裏僞署
思仁于猛密而罕熤思禮復奔芒市二十一年應裏
欲以允墨守蠻莫思仁乃以猛密兵及猛拱堵罕孟
養龜罕集衆三十萬象百隻擁送允墨據蠻莫思化
敗走墨等立九大營深溝高壘爲久駐計仍分道內
犯一入遮放芒市一入臘撒蠻類一入杉木籠並出
隴川多思順不敵奔猛卯二十二年巡撫陳用賓出

駐末昌先縣重賞購思仁頭乃以叅將王一麟攻播
吟指揮錢中選攻上關守備張先蔭攻打線中軍盧
承傳攻吟噉左右大斬獲遂克復蠻莫追之踰等練
賊狡甚僅以羸兵數人馬數匹遺道左既而以象數
隻羸兵數人遺道左而伏其勁者于箐崖中俟官軍
過山擊之官軍遂不敢窮追而返時御史李本固倡
設關屯計而用賓成之築八關于騰衝之邊曰萬仞
曰神護曰巨石曰銅壁曰鐵壁曰虎踞曰天馬曰漢
龍每四關設一守備戍之而募閩人黃龔使暹羅約
與得榜夾擊緬緬初以猛卯多俺爲鄉導寇我東路

至是遣木邦罕欽擒多俺殺之以絕其黨于是築平
麓于猛卯大興屯田會是時邊事旁午餉不給運米
石十金而值不與故銳意興屯三宣之內以營兵任
屯其他非營兵而願屯者聽二年小成免其賦三年
大成始十一而賦之是年緬督思仁寇蠻莫大敗之
斬其渠丙測二十六年車里老撾刁舊猛刁怕猛等
入貢而耿馬罕們灣甸景從真鎮康刁崗棍蓋達刁
思權皆修貢事獨孟養思肅以來歸爲緬所擊檄各
土司合救之緬遣去先是緬遣孟廸孟良及土舍刁
派漢等乞款貢詔賞應裏及子景邁荷喊拍詔銀兩

使其赴騰衝來領復申之禁令曰毋陽順陰叛毋父
貢子犯母報怨思化其敕思化亦曰毋絕緬賈道而
緬竟違詔至是思化子思正乘多思順之喪襲隴川
據其妻罕氏三十年阿瓦魏罕與木邦罕拔子罕蓋
俱率兵討思正當事者殺正以止其兵三十一年夔
罕罕蓋亦入貢緬勢頓衰而暹羅得楞復連歲夾攻
緬殺緬長子莽機搃擺古殘破自此緬不敢內犯然
蠻莫擺古洞吾等練諸近緬部終先後附緬如初至
崇禎末蠻莫思綿爲緬屬守曩木河會明亡末明王
僭號僞年未歷南徙與黔國公沐天波等走蠻莫思綿使

告緬緬使人迎之且傳語述萬歷時事并出神宗璽書索今篆合之差一分以爲僞天波出已印相比無差始服蓋自天啟後緬竟絕職貢無可考驗故也時天波與蒲縷謀乘間走戶臘二撒不果遂入緬居阿瓦對江阿瓦卽緬酋所居城也末明從行者皆分給土人爲奴惟岷王子八十人遁暹羅去八月十五日爲緬朝會節各寨俱至強太波等行禮天波不誦同官馬吉勃李國秦輩歸而耻之道經末明妃弟王維恭家索酒飲維恭有蠻妓黎心令出歌舞黎心泣曰此何時尚作樂耶吉勃怒撻之會末明將僞西寧王

李定國以兵索末明敗緬兵于洞武赭徑及瑞羊岳
巡抵南噶喇江屯洞怕別將白文選屯象腿各去緬
城八十里以無船將造船于馬得狠井角緬大恐謀
殺未明以絕望值緬酋弟莽猛白弑兄自立慮諸蠻
不從欲示威集兵殺末明從臣沐天波以下四十二
人然後出兵與定國戰定國以十二舟濟師風發覆
五舟急引還屯黑門坎文選遽北走迎

大清軍于錫泊歸命定國走景線復走猛臘道病死
而緬人縛送末明于

大清軍前請降時同降者有孟良孟定木邦蠻莫猛

密孟養諸有名部皆緬屬

西河合集

蕭山毛奇齡

字僧胤稿
行十九

姜公幹山啟較
鮑同賢與升較

蠻司合誌

十一

雲南

者繼榮羅雄土官也父濬爲知州見營長妻美殺營
長奪之生繼榮十四歲卽持刃逐殺濬濬大驚欲置
繼榮死終以其母故不忍假爲就學銅他室實囚禁
之隆慶中濬老無子乃釋繼榮出使替職繼榮據州
遂逐父父訴之鎮撫鎮撫救繼榮迎濬濬歸繼榮陽

事之實則囚禁如他日囚已狀且別囚其嫡母隆氏而過烝父妾有沙氏者不肯從經死游密遣土目者希訴鎮撫繼榮覺殺者希會萬歷九年大調羅雄兵征緬繼榮將行恐留游爲難遂弑游時霑益土知州安世鼎世絕其妻安素儀典州事亦提兵赴調繼榮見素儀大悅遂請合兵宿其營姦之且陰倚霑益兵力得自助而越州土舍海現其穿嫂資氏有殊色繼榮夙典道至是自師卽頓兵其家縱淫至數夕方去知州趙應奎憤甚自兵備謀賊兵資氏壁擒繼榮繼榮脫走繼榮自以爲不容于禁陰恃兵力遂聚黨

古隣土不輸貼馬強淫諸夷婦無道先是繼榮生時
有異徵及生廣額大鼻雙目如鳳兩手垂過膝嘗曰
吾以此二肘揮斥天下足矣至是妖僧王道妖道楊
五郎見繼榮貌大奇請依繼榮繼榮喜過望乃鍊丁
甲祠鬼殺處妾戮旗鼓號為神兵且闢場演戰象募
諸土兵別檄馬卜古箝諸部諸部多應者獨水西隆
有義本繼榮外家長禍且恨繼榮囚辱母隆氏不應
當是時臨安普安降元諸兵備統土兵甚嚴而巡撫
劉世曾巡按李廷彥並奏撤諸道防不測繼榮乃以
阿東阿古李志明等各提兵戡法耶偏頭龍甸羊街

子諸處攻破陡坡鴨子塘六涼斬土舍沙東土婦資
氏奪其軍粟石城于赤龍山寨高插天廣六十里建
龍樓鳳閣于其中而附以羣寨其下有龍潭九口險
不可越料諸軍妻若子盡質寨上繼榮警蹕樹黃纛
殆次日幸羣寨淫諸軍妻諸軍妻無敢抗者十三年
巡撫世曾遣副使程正訖僉事鄭璧為將軍調諸土
兵寧州祿華請岷峨六志貞師宗隴勝水西隆有義
霑益安紹慶越州資氏尋甸木遇春路南番騰雲秦
世文新化普同春武定僕世功亦作沙騰蛟令裨將
劉綈萬黎劉紹理郭九疇李延之等統之並馳普解

營自撒馬發兵攻赤龍寨斬阿姑捕肉隆氏資氏海
氏賊渠楊達孝妖道楊五郎等進攻普得龍及陀木
舌星諸寨斬王道張道俘獲男婦及降賊一萬七千
四百人器械什物無算追奔至阿拜江隆有義所將
卒斬繼榮提問賜劉世曾沐昌祚舒應龍程正誼祿
華誥等調曲靖衛中左所軍羅雄改名定雄建城設
流官知州敕者繼仁續者氏後給以庄田一切簿書
獄訟盡屬流官而是後有必六

必六土酋羅種居羅雄自繼榮滅後必六襲繼榮別
寨暗據其妻小隆氏且以名泉時羅雄初城知州何

俛甫赴任以土舍者繼仁繼者氏兵衛稍弛必六乃
壁大莊寨與電速阿非速理阿擺阿五得六人挾四
姓寨反萬歷十四年破羅雄州殺土舍者繼仁及土
目李木忠田承寶等而執知州何俛驛丞張雲錦二
人將出城會沙人三百人從他寨還開州城急馳州
觀必六謂其援州也大怒合兵殺沙人百人沙人奔
迫之至河上復縱擊沙人溺水死殆盡時必六兵少
諸夷惡沙人死無故不直無附者而電甸人栢林等
謀移兵討必六必六懼乃挾俛爲質強俛作移檄太
府謂沙人反破州賴必六擊賊賊棄州走俛見待罪

必六軍請給必六等冠帶旌其功而後治俟以失守
之罪時臨安兵備文作此靖兵備金從洋知其詐請
興兵討賊都御史劉世曾止之即日給冠帶然祇給
必六電速二人使諸賊自猜忌於是購士囚丘文奎
諸瓊風必六入謝必六遣阿吉詣軍門世曾厚賚之
必六喜乃與文奎宴文奎密飲諸監門值天大風雪
寒甚令俛易夷服匿諸瓊家夜出走江上江上軍伺
援者皆夜至衛俛聞道至曲靖而世曾已預遣副將
李存忠叅將蔡兆吉守備張先聲等統寧州越州水
西霑益尋甸亦佐諸土兵及馬蓬古獐沙夷攻大莊

寨破之斬必六阿五得生擒阿束阿卓等攻都宜二
硬寨破之生擒方俗阿恕者洗等攻阿邦至大箐還
擊自硬普拖破之斬阿擺等攻色屋阿野迤西七黑
安革木外破之斬阿慕等其捕獲生口及斬級俘鹵
牛馬器械無算上賜沐昌祚文作及土官祿華誥等
世曾先有諭賜告於是改羅雄州爲羅平調維摩州
黃宇以同知行羅平事何倏視維摩

順寧與大候接壤皆蒲蠻也順寧土知府猛氏大候
土知州奉氏世爲婚媿甚厚順寧猛廷瑞與兄猛
思賢爭襲相攻殺而大候奉氏亦學兄弟亦然學嘗

與赦分州治各設官署稱上下二衙雖赦居上衙學
居下衙顧相抗無次第有司雖知之亦不問而廷瑞
者奉學壻也二十五年廷瑞與兵攻思賢奉學助之
巡撫陳用賓疏請征勦而以僉事李先著叅將吳顯
忠統兵攻城持其寨廷瑞急請降先著不許令擒奉
學自贖廷瑞乘間遁觀音山顯忠追及之連破數寨
斬奉學于陣而執廷瑞送軍門誅之事聞改設順寧
上官爲流官知府而改大侯州爲雲州設流官知州
併先著縱賊罪論死未幾順寧猛麻與奉赦子奉
先奉學子奉恭請復土職統矣堵十三寨莽抗等復

構兵叛二十八年用賓復遣顯忠調土漢兵征之未幾平

孟定舊名景麻洪武十五年置孟定府正統間知府刁祿孟爲麓川所侵遠徙他部會木那舍日罕葛以從征功靖遠伯王驥令筦食其地嘉靖間木那罕烈侵孟定奪知府印私令舍人罕慶筦食之是爲耿馬萬曆十二年官軍克耿馬復以罕葛之後罕合爲知府十五年始給新印合死子榮襲榮死子貴襲崇禎末孟定屬緬甸明亡未明僞將李定國索永明于緬甸孟定合元江上兵攻孟長兼與緬戰而孟定以

畏緬不少助定國乃徙去

臨安阿迷州普覺木東山營長宣德中以東山多寇設巡檢司命普覺爲巡檢給以印旣而以他事坐廢正德二年巡撫吳文度奏廣西維摩王弄山與阿迷接壤盜出沒仍令普覺後普納復繼前職給以冠帶然或設或廢無定制至天啟中有普名昇者爲馬者哨哨頭奢安之亂每奉調從征有功巡按傅宗龍題授阿迷土知州旣而驕甚崇禎五年御史趙洪範按臨安名昇不出迎已山戈甲旗幟列數里洪範大怒謀巡撫王伉列奏請檄川貴兵會討黔鎮商士傑布

政周士昌擊名昇敗之進圍阿逃明昇恐陽使人約降而陰以重賄誘吾必奪

吾必奪者元謀士知縣也其先吾氏襲知縣以罪久廢必全征奪安論功復官與沙源普名昇結納名昇被圍使謂必奪曰君不聞狐死兔悲之語乎阿逃不行及元謀矣必奪然之時必奪在調中先登與名昇接戰陽敗走官軍辟易遂大潰士昌轉戰死事聞兵部熊明遇責仇起讐與洪範俱被述名昇就撫然驕恣益甚會總督朱燾元自貴至辭之以威不敢動燾元去跋扈如故廣西知府張繼孟甫到官昌言曰名

昇人傑顧守法人自疑之耳爲牒移臨安道經阿逃
從來移牒過阿逃名昇必拆觀繼孟故爲獎勵語謂
名昇可大用不宜過激名昇大喜欲一見繼孟會繼
孟謁兵備使赴臨安名昇陰遣人道候繼孟繼孟預
戒從者至阿逃當訪知州去及至熟睡不得請遂踰
州治繼孟怒立榜從者咨嗟曰此行甚急當速赴而
州公又必欲會如何乃先置驛騎使之俟而獨以數
騎回阿逃名昇使還已聞繼孟榜從者狀及見繼孟
乃大喜過望跪起迎坐方進茶繼孟謂曰聞公善毒
人果否名昇大驚曰如公者方恨殺身無以報何爲

是言易。既請先燭。遂從繼孟手取。既一仰而盡。繼孟遂告別名昇。苦留之不得。曰：兵備有事，急俟回痛飲。未晚也。繼孟疾馳。凡三易馬。至臨安而名昇追騎將及。遽入城。免是時名昇死。以名昇易。既時繼孟已搃壽。忠聞而名昇不知也。已而必奎聚衆反。連陷武定、祿、豐、楚、雄諸州縣。時寧州土知州祿未命石屏州土口龍在田。俱與必奎名昇及沙源從征。著名而二人者曾奉調至襄陽。從總理熊文燦擊破流賊。韋里眼射塌。天子雙清文燦留軍前。殺賊文燦敗二人。乃罷歸。至是黔國公沐天波燬之。統上兵會剿。遂擒必奎。

當是時名昇妻萬氏本江西寄籍女也後而淫據其衆役使諸小夷選部下壯而美者更番侍帳中會沙源與名昇往來其子沙定海定漢定洲三人者皆與萬通萬欲於沙氏兄弟中擇其一爲贅壻而兼定海惟魯駕言鬪其兄弟名曰天定而明配定洲因飲定海酒醜之名昇有子曰服遠耻萬所爲與萬分寨居定洲并竊殺服遠而併其地時張獻忠已陷蜀定洲思據滇備必奎之變定洲赴調旣至而必奎已擒定洲遂稱亂

方定洲之赴調也沐天波實主之定洲怨言曰何爲

役我。會奸人僥希之余。錫朋遁。天波金無以償。錫朋常入土司營。誇天波家富。定洲心動。陰結都司阮韻嘉。張國用袁士弘爲內應。以十二月朔入城。辭行天波。以家忌未出。見定洲率衆譟而入。白日焚劫天波。由小竇西遁。時祿未命在城。方巷戰。拒賊。從官周鼎止。天波留討賊。天波疑鼎誘已殺之。其母陳氏妻焦氏走城北。普吉村之金井巷。皆舉火自焚。死。定洲乃盡得沐氏所有。盤踞省城。劫巡撫吳兆元爲題。請代天波鎮滇。而執故閣臣王錫綏。銅之傳檄州縣。祿未命與龍在川。俱引所部去。萬時居阿迷。聞曰吾家當

爲此賊敗矣。謀至省，執定洲，投誠。旣至，見定洲、陽陽、鹵簿、警蹕、建旗、纛、晨夕，茄鼓與王侯等，乃大喜。問天波所在，因決策追天波。至楚雄時，楚雄爲必奎、新敏、金滄副使，楊畏知奉調至楚雄。楚雄留之，及見天波，將合力計守禦。未具畏知乃曰：「公在楚，賊必以全力聚攻。聚攻城必破，公何不西走？」未昌使楚，得爲備。賊卽西追，恐楚塞其後，留攻楚。又恐公從西來，首尾牽制上策也。天波從之。定洲至楚雄，城閉不得入。畏知乃遣人給之，定洲去，遣其黨王朔、李日芳等分攻大理、蒙化，陷之，屠殺甚慘。畏知乘間撤城外居民，盡入

城。清。四。野。築。障。濬。隄。檄。調。士。漢。兵。守。之。定。洲。聞。祿。未
命。各。守。固。不。敢。至。未。昌。至。是。恐。畏。知。截。其。歸。路。急。還。
兵。攻。楚。雄。雖。百。攻。不。下。值。畏。知。坐。城。樓。城。發。巨。礮。擊。
之。烟。燭。籠。畏。知。賊。謂。已。死。及。烟。散。畏。知。端。坐。如。故。因。
相。驚。爲。神。畏。知。伺。賊。間。輒。出。奇。兵。擊。賊。所。殺。甚。夥。久。
之。賊。引。去。復。東。攻。石。屏。不。下。還。攻。寧。州。祿。未。命。戰。死。
于。是。迤。東。稍。定。乃。復。攻。楚。雄。分。兵。爲。七。十。二。營。每。
七。營。統。大。營。一。環。城。屹。濠。爲。久。困。計。會。張。獻。忠。死。其。
義。兒。苟。可。旺。率。殘。兵。出。邊。義。子。黔。詐。稱。黔。國。焦。夫。人。
弟。來。復。仇。民。久。苦。沙。陀。賊。其。來。理。之。不。知。爲。賊。也。定。

洲解楚雄圍去禦于革泥關大敗遁歸阿迷可耶破
曲靖及交水俱屠之遂山陸涼宜良入省據城池官
署法禁苛切較昔尤甚既而分遣李定國徇迤東諸
府而可耶自率兵西出畏知禦于啟明橋兵敗被執
可耶聞其名不殺誘降之曰吾今已不爲賊矣與爾
共扶明如何畏知曰果爾當從吾三事一不用獻忠
語號二不殺百姓三不擄婦女可耶皆許之卽折箭
對誓乃以書諭天波如畏知言天波亦歸省而李定
國之徇臨安者定洲部目李阿楚駐守拒戰甚力定
國穴地置礮礮發而城陷屠之殺城中官民于城外

白。場。合。七。萬。八。千。餘。人。斬。獲。不。與。焉。初。意。定。國。破。臨。安。必。襲。阿。迷。取。定。洲。乃。僅。掠。臨。安。子。女。而。回。過。河。西。攻。破。晉。寧。而。屠。其。城。并。屠。昆。陽。呈。貢。歸。化。殺。數。十。萬。人。且。盡。殺。臨。安。所。獲。婦。女。數。千。人。于。路。是。時。迤。西。以。畏。知。在。軍。免。屠。戮。而。定。國。迤。東。之。殺。與。獻。忠。同。乃。旋。師。會。可。耻。當。是。時。定。國。偕。可。耻。及。艾。能。奇。劉。文。秀。四。人。皆。獻。忠。義。兒。稱。四。王。拆。呈。貢。昆。陽。二。城。磚。石。及。會。城。民。居。萬。間。造。四。王。府。于。演。武。場。而。尊。可。耻。爲。國。主。置。六。部。官。爵。典。朝。通。寶。銅。錢。括。道。省。田。地。及。鹽。井。之。利。可。耻。欲。示。威。戲。下。念。同。儕。獨。定。國。抗。顏。忽。縛。定。國。

于演武場聲其罪杖之百命定國取定洲以贖罪定
國雖憾之顧相素久無如何遂承命行初定洲歸屯
兵洱華童與萬氏分險守口私通安南借其援以自
固會其自有陽嘉賓者迎定洲就營飲宴定國偵得
之率兵圍營凡相拒數月出降遂械定洲萬氏等數
百人盡殺之而徇定洲與萬氏剝其皮市中